



Մ Ա Յ Ր Ա Թ Ո Ռ Ո Ւ Մ

ՀՈՒԼԻՍԻ 1-ին, ԿԻՐԱԿԻ, սուրբ պատարագ մատուցվեց Մայր Տաճարում: Պատարագեց և բարոցեց Տ. Նդիշե Արեղան առաքյալների կոչման, բարոգչության ու գործունեության մասին:

Նույն օրը, էջմիածին քաղաքի Ս. Աստվածածին եկեղեցում տեղի ունեցավ քահանայական ձեռնադրությունը Ներսես Բասմաջյան և Հովհաննես Թադևոսյան սարկավազների: Աստուծո Ս. Սեղանին սպասարկելու կոչված երկու ընծայացուները նրուստղեմի ժառանգավորաց վարժարանի նախկին սաներից են, զարգացած, բարեպաշտ, իրենց պապերի հավատին նախանձախնդիր: Հավատացյալների հոծ բազմության ներկայությամբ ձեռնադրությունը կատարեց զերապատիվ Տ. Սահակ եպիսկոպոս Տեր-Հովհաննիսյանը: Ներսես սարկավազ Բասմաջյանը կոչվեց Տ. Զարեհ քահանա, իսկ Հովհաննես սարկավազ Թադևոսյանը՝ Տ. Վարդան քահանա:

Նորընծաներին մաղթում ենք Աստուծո շնորհքն ու կարողությունը, որպեսզի նրանք լինեն Տիրոջ այգու հավատարիմ և նվիրված մշակները:



ՀՈՒԼԻՍԻ 8-ին, ԿԻՐԱԿԻ, «Պայծառակերպություն Տեառն»: Վարդավառի ավանդական տոնի կապակցությամբ հավատացյալների խոտն բազմության ներկայությամբ Մայր Տաճարում մատուցվեց հանդիսավոր սուրբ պատարագ: Պատարագին էր զերաշնորհ Տ. Սահակ եպիսկոպոս Տեր-Հովհաննիսյանը: Բովանդակալից իր բարոգի մեջ սրբազան հայրը նկարագրեց Պայծառակերպության տոնի դեպքերը ըստ Ս. Ավետարանի և ապա բացատրեց օրվա տոնի խորհուրդը: Քարոզի վերջում սրբազան հայրը անդրադարձավ

Հյուսիսային Ամերիկայի Միացյալ Նահանգներում հունիսին կատարած իր այցելության մասին և խորին հուզմունքով պատմեց ամերիկահայության Մայր Հայրենիքի և Մայր Աթոռ Ս. Էջմիածնի հանդեպ ունեցած չերմագին զգացմունքների մասին:



ՀՈՒԼԻՍԻ 9-ին, ԵՐԿՐՈՇԱՐԹԻ, Հիշատակ մեռելոց: Մայր Տաճարում մատուցվեց սուրբ պատարագ: Պատարագեց հոգեշնորհ Տ. Մեսրոպ արեղա Անթարյանը: Սուրբ պատարագից հետո կատարվեց հոգեհանգիստ համօրեն ննջեցյալների համար:



ՀՈՒԼԻՍԻ 29-ին, ԿԻՐԱԿԻ, սուրբ պատարագ մատուցվեց Մայր Տաճարում: Պատարագին էր արժանապատիվ Տ. Հակոբ քահանա Հակոբյանը: Սուրբ պատարագին ներկա էր հավատացյալների մեծ բազմություն, ինչպես նաև Մայր Հայրենիք ժամանած ֆրանսահայ ուխտավորների խումբը: Քարոզեց հոգեշնորհ Տ. Մեսրոպ արեղա Անթարյանը «Եւ արտասուեաց Յիսուս» բնաբանով: Իր զեղեցիկ և բովանդակալից քարոզի մեջ հոգեշնորհ հայր սուրբը շեշտեց Փրկչի արտասուքի մեջ ցույցող աստվածային կարեկցանքը, վշտակցությունը, զույն ու մարդասիրությունը դեպի մարդու վիշտը, տառապանքը, մեղապարտությունը:



«ԷԶՄԻԱՄԻՆ» ԱՄՍԱԳՐԻ ԽՄԲԱԳՐԻ ՏԵՂԱԿԱԼ պրոֆ. Ա. Առաքելյանը ծանրաբեռնված լինելով դասախոսական և գիտական աշխատանքներով, հունիսից հրաժարվեց խմբագրի տեղակալի պարտականություններից: Վեհափառ Հայրապետի քարեհաճ կարգադրությամբ կազմվեց խմբագրական մարմին, որը աշխատանքի անցավ հուլիսին: Մայր Աթոռում վերակազմավորված խմբագրատան մեջ:

ԱՅՑՅԵԼՈՒԹՅՈՒՆՆԵՐ

ՀՈՒՆԻՍԻ 1-ԻՆ, ԿԻՐԱԿԻ ՕՐԸ, Մայր Աթոռ Ս. Էջմիածին ուխտի եկավ Մայր Հայրենիք ժամանած Կալիֆորնիայի հայ ուխտավորների խումբը: Բարեպաշտ ուխտավորները ներկա եղան սուրբ պատարագին, ապա դիտեցին Մայր Տաճարին կից եկեղեցա-պատմական թանգարանը: Վերջում հրավիրվեցին Վեհարան, որտեղ ընդունվեցին Ամենայն Հայոց Հայրապետի կողմից: Ուխտավորների խմբի անունից Վեհարանում պ. Արամ Տոլիկյանը խոսք առավ և ասաց.

— Վեհափառ Տեր, մեր խումբը ուխտավորներու խումբ մըն է և մենք Միացյալ Նահանգներն եկած ուխտավորներն ենք մեր Հայրենիքին և մեր Ս. Էջմիածնին: Մենք կսիրենք Ս. Էջմիածինն ու մեր նվիրական Հայրենիքը և մեր սրտերուն մեջ միշտ վառ պիտի մնան Ս. Էջմիածնի անունն ու խորհուրդը և Մայր Հայրենիքի սերն ու հպարտությունը:

Վեհափառ Հայրապետը, խորապես զգացված ուխտավորների այս անկեղծ ու սրտառույզ զգացումներից և խոսքերից, իր ուրախությունը հայտնեց և ասաց.

— Մենք կողջունենք Ձեզ բոլորիդ Ս. Էջմիածնի այս նվիրական հողին վրա և բարի զալուստ կ'աղյուծենք ամենքիդ: Շատ հեռավոր ամիսներ եկած եք Հայրենի հողի և Ս. Էջմիածնի կարոտը առնելու համար: Դուք սկիզբը կզենեք ուխտավորության մը, որ պիտի շարունակվի սփյուռքահայ բոլոր զաղութներն: Ոչ ուշ ժամանակն Մենք առիթը պիտի ունենանք այստեղ ողջունելու Կալիֆորնիայի ուխտավորներու ուրիշ խումբ մըն ալ: Ֆրանսայն ևս խումբ մը պիտի գա մոտ ապագային, և այսպիսով սփյուռքահայ մեր որդիները հնարավորություն պիտի ունենան մոտիկեն զգալու Հայրենիքի քաղցրությունն ու նվիրականությունը: Մենք վստահ ենք, որ ուխտավորները պիտի մխիթարվին հոգեպես ու երջանիկ զգացումներով պիտի վերադառնան իրենց տունները:

Մենք կփափագենք, որ անոնք սեպտեմբերին ըլլային այստեղ, որովհետեւ մինչև այդ ժամանակ շատ մը փոփոխություններ պիտի ըլլան ինչպես Մայր Տաճարին ներս, այնպես ալ ամբողջ շրջափակին մեջ: Վաղվրեն սկսյալ շինարարության նոր շրջան մը պիտի սկսի Մայր Աթոռին ներս, հատկապես սփյուռքահայության սրտաբուխ նվիրատվություններուն շնորհիվ: Պիտի մարմարապատվի ոչ միայն Մայր Տաճարի հատակը, այլև Ավագ Սեղանը, հայկական արվեստի հարազատ ռճով մը:

Ձեզի կրնամ հայտնել երջանիկ լուր մը ևս: Նկատի ունենալով, որ այս շենքը, որուն մեջ Ձեզ կընդունինք այսօր, բավարար չէ մեր արդի պահանջներուն, վերջերս Սովետական Միության Վարչապետ Նորին Վեհմության Պարոն Բուզդանինի մոտ Մեր եղած ժամանակ, շարք մը կարևոր հարցերու զրական լուծման հետ որոշվեցավ նաև նոր Վեհարանի շենքը վերադարձնել մեզ: Այնպես որ հաջորդ անգամ, երբ նորին ուխտի գար Ս. Էջմիածին, Ձեզի կընդունինք այն նոր փառավոր շենքին մեջ: (Մափաճառությամբ): Շատ ու շատ նորություններ կրնանք Ձեզի հայտնել, սակայն Ձեր ժամանակը չի ներք, կտեսնենք, ուստի թույլ տվեք օրհնել բոլորիդ և մաղթել Ձեզ երջանիկ վերադարձ: Տարն'ը Մեր հայրապետական օրհնությունները Մեր բոլոր որդիներուն:

Այնուհետև ուխտավորների խմբի ղեկավարը մոտենալով Վեհափառ Հայրապետին, առավ Ս. Աջը և ամբողջ խմբի կողմից նորին Ս. Օծության հանձնեց թանկարժեք սուլյա մի ինքնահոս գրիչ: Ուխտավորների մյուս անդամները ևս երկյուղածությամբ մոտեցան, և համբուրելով Հայրապետի Ս. Աջը, իրենց «զարբաս»-ները տվին Մայր Աթոռի պաշտոնական համար: Հուզվել էր տեսարանը: Դարեր շարունակ Մայր Աթոռը պայծառ ու շեն է պահված հայ ժողովրդի ինքնարուխ «այրի կնոջ երկու լուծա»-ներով:

Ուխտավորներից մեկը համեստությամբ խնդրեց, որ Վեհափառը ներողամիտ լինի «նվերների սակավության համար», քանի որ իրենք ամերիկահայության համեստ զատի ներկայացուցիչներն են, և սակայն միշտ պատրաստ կ'լինեն իրենց համեստ բաժինը բերելու հօգուտ և ի շինություն Ս. Էջմիածնի:

Վեհափառ Հայրապետը ճշմարտապես հուզվել էր այս սրտառույզ վերաբերմունքից: Նորին Ս. Օծությունը նախ հայտնեց իր անսահման գոհունակությունը և ավելացրեց, որ կարևորը նվիրի բաժակը չէ, այլ ոգին, որով նա տրվում է բարի և վեհ նպատակի համար: Ապա Վեհափառ Հայրապետը սրտազինա օրհնեց բոլորին և ասաց, որ ինքը մշտապես աղոթող պիտի լինի նրանց կյանքի երջանկության համար, մաղթեց, որ իրենց այդ զգացմունքները միշտ վառ մնան և ժառանգաբար փոխանցվեն իրենց որդիներին, թոռներին, որպեսզի նրանք ևս օտարության մեջ չմոռանան իրենց նվիրա-

կան Հայրենիքը, հայ ժողովրդի սրբությունը սրբոց Ս. Էջմիածինը, մեր հողեկան արժեքները և մեծասքանչ լեզուն:

Ուխտավորների խմբի մեջ ողջ ամերիկահայության անունից պ. Արամ Տոլիկյանը Վեհափառ Հայրապետից խնդրեց այցելել նաև ամերիկահայ իր սրբիներին:

— Օր մը կհուսանք այցելել նաև Ամերիկա, — վստահ ժպիտով վերջում պատասխանեց Վեհափառը:

Վերջում նորին Ս. Օծություն Վեհափառ Հայրապետը խաչեր բաժանեց բոլոր ուխտավորներին, որոնք երկյուղած բարեպաշտությամբ ընդունեցին հայրապետական օրհնության հետ այդ խաչերը:

Ուխտավորները Վեհափառ Հայրապետից հրաժեշտ առին անմոռանալի հուշերով:



ՀՈՒԼԻՍԻ 29-ԻՆ, ԿԻՐԱԿԻ ՕՐԸ, Մայր Աթոռ ուխտի եկավ Փրանսահայ ուխտավորների խումբը, որ ներկա եղավ նաև սուրբ պատարագին: Ուխտավորների ամբողջ խումբը Մայր Տաճարում հաղորդվեց: Նրանք հոգեկան խորունկ գոհունակությամբ ունկընդրեցին սուրբ պատարագի հոգեղմայլ երգեստությունը: Սուրբ պատարագից հետո ուխտավորները առաջնորդվեցին Վեհարան, որտեղ նրանց ջերմորեն ընդունեց և օրհնեց Վեհափառ Հայրապետը: Ողբույնի և բարի գալուստի սրտագին խոսքերից հետո Վեհափառ Հայրապետը պատմեց նրանց Մայր Աթոռում կատարվող շինարարական աշխատանքների և նկեղեցու պայծառացման հետ կապված խոստումնալից հեռանկարների, Հոգևոր Ծեմարանի հնարավոր

րուկյունների և այն բոլորի մասին, ինչ սիրելի ու հետաքրքիր է ամեն մի հայ մարդու համար: Վեհափառ Հայրապետի այս մտերիմ դրույցը մեծ խանդավառություն և ոգևորություն ստեղծեց բոլոր ներկաների սրտերում զեպի Ս. Էջմիածինը, զեպի Հայրենիքն ու Ամենայն Հայոց Հայրապետը:

Աջահամբույրի ժամանակ Վեհափառ ուխտավորներին սուրբ նշխար և խաչեր բաժանեց: Փրանսահայ ուխտավորների խումբն էլ իր սրտարուխ նվերները տվավ Վեհափառ Հայրապետին: Ուխտավորներից բարեպաշտ տիկին Նսայան 50.000 Փրանկ նվիրեց Մայր Աթոռի շինարարության ի նպաստ:

Վեհափառը իր հայրապետական օրհնությունը տվավ բոլորին և բարի ճանապարհ մղվեց նրանց: Ուխտավորները սրտի անհուն բերկրանքով և երախտադիտությամբ հրաժեշտ առին Վեհափառ Հայրապետից և մեկնեցին Ս. Էջմիածնից:



ՀՈՒԼԻՍԻ 1-ԻՆ Սովետական Միություն ժամանած ամերիկյան շինարարների պատվիրակությունը այցելեց Մայր Աթոռ և ծանոթացավ Մայր Տաճարի հնագույն ճարտարապետական առանձնահատկություններին: Ամերիկյան պատվիրակությանը ուղեկցում էին մեր հեղինակավոր ճարտարապետները: Պատվիրակությունը մեծ հետաքրքրությամբ ծանոթացավ Մայր Տաճարին կից եկեղեցապատմական թանգարանին և մեծապես գնահատեց նրա հնագիտական և պատմական նշանակությունը:

Պատվիրակությունը Մայր Աթոռից մեկնեց մեծ գոհունակությամբ:

